

懷德縣鄉土志

續補

村鎮

治境初闢民皆隨地而居基布星羅不成村落後漸人煙稠密而名村巨鎮殊屬寥寥茲就其商賈咸集交易最通者言之詳列於後

一景林鎮在縣治正南南平並社街東西長五里南北寬一里商務繁盛五十餘家稱爲縣治買所屬巨鎮也距城五十里

一朝陽坡在縣治西南南振康社街東西長五里南北寬一里商務二十餘家距城七十里

一楊家大城在縣治西北北保艾社街東西長四里南北寬一里餘商務二十餘家經庚子兵燹稍見蕭條距城七十里

一五家鎮在縣治東南南裕豐社街東西長三里南北寬一里僅有小本營生商務六七家距城五十里

674.132/
682
22



3 0477 4892 0

A078851

城池

縣治舊名八家鎮自同治五年始設分防經歷光緒三年裁經歷改懷德縣治東西大街二道街南
北寬三里東西長三里商務七十餘家以上築城方圍十六里開設六門南曰歸馬門北曰保泰門
東曰撫近門西曰迎恩門西北曰靖安門東北曰經遠門街南有河一樹北有河一皆深二丈餘藉
以蒔池

職官

道光初年放荒招墾民皆由金復州承德府直隸等處運來分土耕種然貧民居多於耕稼謀食外
既無紳士巨族復鮮鉅誦世家迨至光緒三年本境設縣治建學校文明漸成始有重學問入仕者
謹列於後

- 一 魏晉巨居北振康社秦家心臨縣治四十里由戊子科舉人現官禮部郎中
- 一 榮文林居南遵怡社東大窪臨縣治三十里由甲午科舉人現官度支部郎中

節烈

懷遠自光緒三年改設縣治即以是年在文昌廟院建修節烈祠三間凡境內守節之婦總彙准

旌表入祠者開列於後

一南裕豐社灣龍池屯民婦王趙氏嫁張儀童王殿佐為妻過門三年王殿佐病故趙氏時年二十

四歲矢志守節孝順翁姑教子有方迨至五十一歲請准建坊

一平安社三教寺屯民婦吳修氏係民人吳明德之妻于歸時氏年十四夫亡時氏年二十三只生

一子自夫故後奉孀姑撫孤子以為己任守節自甘矢志靡他躬勤紡績親操井臼迨孀姑痛故代

夫喪葬盡哀盡禮持家勤儉教子成人該氏病故時年六十三歲計守節四十年請准入祠建坊

一和悅社小八家子屯民婦高美氏係民人高明泰之妻氏年十七于歸早給事夫克盡婦道其夫

病故時氏年二十七歲生有三子該氏願舍家貧子幼矢志守節躬勤紡績日無暇晷迨翁身故喪

葬竭盡禮節衣皆襤褸食悉粗糲人所不能堪者氏獨處之憂如而且教子耕作至於成人力為婚

娶以重宗嗣厥後家道稍裕皆由氏勤儉教養之功也請准建坊計守節四十年

一保艾社唐家窩堡屯民婦唐張氏係世顯之妻氏十五歲于歸至二十九歲夫病故只生一子

一其翁始俱存氏當即指矢天日顯守柏舟之節奉養雙親撫育幼子貧無腹產惟時紡績以供二

老之衣食及翁姑喪時喪葬皆能盡喪禮且教子玉和成名老當本縣^四長捕賊有功蒙賞五品
頂戴洵稱中饋之完人也請准建坊計字節四十五年

一平安社房孀子必民婦李安氏二十一歲適李相為妻翁姑雖歿事伯叔之父母如己翁姑二十
四歲其夫病故而該氏當無所出猶能矢守苦節百折不回過夫之胞弟李枝次子為嗣年方五歲
該氏殷勤教養以至成立守節三十八年請准建坊

一北平安社十里鎮民婦周陳氏係民人周明光之妻自十九歲于歸次年其夫即故雖時夫家母
家以該氏青年無出均有始身絞難之慮而該氏矢志靡他敬事翁姑直待數年以夫之胞弟周繼
先之男聯甲自襁褓中過繼為嗣該氏鞠養周至愛逾己出請准建坊計字節四十三年

善局

夫善局之設重在保護地面兼濟民生凡有公益之事皆應設法為之提倡也曠德僅有牛痘局一
所自光緒十四年經賀公墳每見民間嬰孩出花醫治不甚得法以危厄狀之殊堪憫爰在本城
西徵設立牛痘局名曰資善堂以資栽種拯救嬰孩危險遂請善種醫生入局專司其事並曉諭屬

界軍民人等均聽赴局引種牛痘不准需索分文自設局以來醫精法善民間引種者日見增多所有局中醫士薪水伙食等項僅有入官盜產賭房共變價中錢一千一百吊據富民周殿元助中錢五百吊又另有入官賭房兩所所得房價中錢一百五十吊前後所籌善款共計中錢一千七百五十吊按年一分六厘發商生息每年計得利錢二百八十吊議定章程每年撥給薪水銀一百八十吊伙食中錢七十吊約費中錢十吊其餘中錢二十吊每年撥給該局修補房屋自行經理

航路 無

電報 無

文報 無

忠勳 無

孝義 無

漢學 初辦

4.1321

82

2